



Nacrt!

DOZVOLA

ZA SNABDIJEVANJE ELEKTRIČNOM ENERGIJOM - DOZVOLA II REDA

NAZIV IMAOCA DOZVOLE:

„Interenergo“ d.o.o. Sarajevo

SJEDIŠTE IMAOCA DOZVOLE:

Fra Andela Zvizdovića 1, 71000 Sarajevo

IDENTIFIKACIONI BROJ IMAOCA DOZVOLE: **4201242530004**

REGISTARSKI BROJ DOZVOLE: **UP1-06-13-1-82-1/23**

PERIOD VAŽENJA DOZVOLE: **__..__.. - __..__..**

DATUM: **__..__..** godine

Mile Srdanović
v.d. predsjednika FERK-a

Jasmin Bešo
v.d. člana FERK-a

Sanela Pokrajčić
v.d. člana FERK-a

USLOVI DOZVOLE

1. OPŠTE ODREDBE

- 1.1. Regulatorna komisija za energiju u Federaciji Bosne i Hercegovine - FERK izdaje Dozvolu za snabdijevanje električnom energijom – dozvolu II reda podnosiocu zahtjeva „Interenergo“ d.o.o. Sarajevo (u daljem tekstu: imalac dozvole) u skladu sa Pravilnikom za izdavanje dozvola („Službene novine Federacije BiH“ broj 2/17, 39/20, 82/21 i 1/23), na osnovu Zahtjeva za obnovu dozvole za snabdijevanje električnom energijom – dozvole II reda podnesenog 28.04.2023. godine.
- 1.2. Sjedište imaoaca dozvole: Fra Anđela Zvizdovića 1, 71000 Sarajevo
Telefon: 033 296 611, Faks: 033 296 559.
- 1.3. Lice ovlašteno za zastupanje je direktor.
Telefon: 033 296 611, Faks: 033 296 559.
- 1.4. Elektronska adresa: info@interenergo.ba
- 1.5. „Interenergo“ d.o.o. Sarajevo je 11.06.2018. godine dobilo Dozvolu za snabdijevanje električnom energijom – dozvolu II reda broj 06-03-461/30/18 koja važi do 28.08.2023. godine.
- 1.6. Ova dozvola se izdaje na period od pet godina tj. od _____. godine do _____. godine.

2. DEFINICIJE

Riječi i izrazi u ovoj dozvoli imaju značenje koje im je dato Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22) i Zakonom o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), kao i pravilima i propisima FERK-a.

3. OBAVLJANJE LICENCIRANE DJELATNOSTI

- 3.1. Imalac dozvole je ovlašten obavljati snabdijevanje kvalifikovanih kupaca i trgovinu električnom energijom na unutrašnjem tržištu.
- 3.2. Imalac dozvole je obavezan početi sa obavljanjem licencirane djelatnosti u periodu važenja ove dozvole.
- 3.3. Imalac dozvole ima pravo obavljati licenciranu djelatnosti na području Bosne i Hercegovine.
- 3.4. Ukoliko imalac dozvole namjerava uvoziti ili izvoziti električnu energiju, obavezan je dobiti dozvolu za međunarodnu trgovinu koju izdaje DERK.
- 3.5. Imalac dozvole ima pravo na informacije o potrošnji električne energije svojih kupaca.

4. OBAVEZE IMAOCA DOZVOLE

4.1. Pravila propisi i odobrene tarife

- 4.1.1. Imalac dozvole obavezan je pridržavati se pravila i propisa FERK-a i DERK-a, kao i uslova ove dozvole.
- 4.1.2. Imalac dozvole obavezan je poštovati važeće mrežne tarife koje su primjenjive za njegove transakcije.

4.2. Zaključivanje ugovora i pristup mreži

- 4.2.1. Imalac dozvole je obavezan zaključiti ugovor o snabdijevanju električnom energijom sa svakim svojim krajnjim kupcem električne energije u skladu sa Opštim uslovima za isporuku električne energije i pravilima i propisima FERK-a.
- 4.2.2. Imalac dozvole obavezan je urediti odnose u vezi sa korištenjem distributivne, odnosno prenosne mreže, u cilju osiguranja prava korištenja njihovih kapaciteta, a u skladu sa propisima koji regulišu ovu oblast.

4.3. Urednost snabdijevanja

Imalac dozvole je obavezan u skladu sa zaključenim ugovorima osigurati svojim kupcima kontinuiranu i sigurnu snabdijevanje električnom energijom, a u skladu sa važećim zakonskim i podzakonskim aktima.

4.4. Pružanje informacija za DERK, FERK, NOSBiH i RERS

- 4.4.1. Imalac dozvole je obavezan redovno dostavljati informacije u vezi sa obavljanjem licencirane djelatnosti FERK-u, DERK-u, RERS-u ODS-u i NOSBiH-u.
- 4.4.2. Imalac dozvole obavezan je, na zahtjev ODS-a i NOSBiH-a dostaviti sve tražene informacije u vezi sa kupovinom i prodajom električne energije.
- 4.4.3. Imalac dozvole obavezan je poštovati dozvolu za međunarodnu trgovinu, ukoliko je izdata od DERK-a i izvještavati FERK o svim promjenama navedene dozvole.

4.5. Kvalitet električne energije

- 4.5.1. Imalac dozvole prilikom ugovaranja nabavke električne energije mora ugovarati električnu energiju koja odgovara zahtjevima kvaliteta u skladu sa važećim standardima.
- 4.5.2. Imalac dozvole je obavezan trajno raditi na osiguranju komercijalnog kvaliteta usluge svojim kupcima u skladu sa specifičnim pravilima, te opšteprihvaćenom domaćom i međunarodnom praksom.

4.6. Kupovina i prodaja električne energije

- 4.6.1. Imalac dozvole može unutar Bosne i Hercegovine kupovati električnu energiju od subjekata koji posjeduju odgovarajuću dozvolu za obavljanje elektroprivredne djelatnosti.
- 4.6.2. Imalac dozvole može prilikom obavljanja djelatnosti trgovine električnom energijom na unutrašnjem tržištu prodavati električnu energiju samo elektroenergetskim subjektima koji posjeduju odgovarajuću dozvolu.

4.7. Snabdijevanje električnom energijom iz obnovljivih izvora energije

Imalac dozvole ima obvezu, u električnoj energiji kojom snabdijeva svoje krajnje kupce, osigurati pripadajuće količine električne energije proizvedene u postrojenjima za korištenje obnovljivih izvora energije i efikasne kogeneracije.

4.8. Mjerenje

Imalac dozvole je obavezan odgovarajućim ugovorima sa ODS-om i ugovorima sa Elektroprenosom BiH a.d. Banja Luka i NOSBiH-om osigurati tačnost podataka o

sveukupno kupljenoj, odnosno prodanoj električnoj energiji potrebnih za obračun i fakturisanje.

4.9. **Obračun i fakturisanje**

- 4.9.1. Imalac dozvole obračun i fakturisanje električne energije vrši u skladu sa Opštim uslovima za isporuku električne energije.
- 4.9.2. Ukoliko je krajnji kupac izabrao korištenje distributivne mreže plaćati prema jedinstvenom računu dostavljenom od snabdjevača na način propisan Opštim uslovima za isporuku električne energije, imalac dozvole je obavezan primjenjivati tarife prenosne mrežarine i/ili tarifne stavove za korisnike distributivnog sistema u skladu sa primljenim podacima od NOSBiH-a i ODS-a i odvojeno ih iskazivati na računima.
- 4.9.3. Imalac dozvole je obavezan dostavljati i naplaćivati račune sa jasnom strukturom troškova, uključujući i propisane naknade, u skladu sa važećim propisima. Ukoliko je krajnji kupac izabrao korištenje distributivne mreže plaćati prema jedinstvenom računu dostavljenom od snabdjevača na način propisan Opštim uslovima za isporuku električne energije, imalac dozvole je obavezan u strukturi računa odvojeno iskazati trošak distributivne/prenosne mreže.
- 4.9.4. Imalac dozvole je obavezan dostaviti krajnjem kupcu konačni obračun njegove potrošnje nakon svake promjene snabdjevača električne energije najkasnije šest sedmica od promjene snabdjevača.

4.10. **Obaveza uspostavljanja kancelarija**

Imalac dozvole je obavezan osigurati kancelarije, biti tehnički opremljen za obavljanje licencirane djelatnosti, kao i imati odgovarajuće radno vrijeme kancelarija za odnose sa kupcima električne energije.

4.11. **Pravila za tržište električne energije**

- 4.11.1. Imalac dozvole obavezan je poštovati i primjenjivati pravila za tržište električne energije, uključujući i Pravilnik o snabdijevanju kvalifikovanih kupaca električnom energijom i postupku promjene snabdjevača.
- 4.11.2. Imalac dozvole je obavezan urediti svoje odnose sa drugim učesnicima na tržištu električne energije u skladu sa propisanim pravilima za tržište električne energije.
- 4.11.3. Imalac dozvole je obavezan odnositi se prema kupcima na fer i nediskriminirajući način.
- 4.11.4. Imalac dozvole obavezan je poštovati propise iz oblasti snabdijevanja električnom energijom, pratiti propise i norme, kao i komercijalna i druga pravila koja se odnose na snabdijevanje električnom energijom i uskladiti poslovanje sa eventualnim promjenama istih.
- 4.11.5. Imalac dozvole je obavezan pridržavati se važećih propisa kojim se uređuju odnosi na balansnom tržištu električne energije.

4.12. **Obavještavanje kupaca**

- 4.12.1. Imalac dozvole je obavezan osigurati jednostavnu dostupnost njegovog cjenovnika usluga, kalkulatora za izračun troška električne energije i kataloga za krajnje kupce, ukoliko će obavljati djelatnost snabdijevanja krajnjih kupaca električnom energijom.
- 4.12.2. Imalac dozvole je obavezan dostaviti obavještenje krajnjem kupcu o isteku ugovora o snabdijevanju najmanje 60 dana prije isteka roka.

4.12.3. Imalac dozvole je obavezan bez odlaganja obavijestiti krajnje kupce o promjenama nastalim u vezi obračuna i naplate.

4.12.4. Imalac dozvole je obavezan obavijestiti svoje kupce o postupku promjene snabdjevača.

4.13. Razmjena informacija sa ODS-om, snabdjevačima i drugim subjektima

4.13.1. Imalac dozvole je obavezan na odgovarajući i nediskriminirajući način vršiti razmjenu informacija sa kojima raspolaže sa ODS-om i snabdjevačima (kod zahtjeva za promjenu snabdjevača) o podacima svojih kupaca u skladu sa Opštim uslovima.

4.13.2. Imalac dozvole je obavezan osigurati ODS-u razmjenu informacija o krajnjim kupcima u skladu sa Opštim uslovima za isporuku električne energije.

4.14. Izvještavanje

4.14.1. Imalac dozvole obavezan je FERK-u dostaviti izvještaje u skladu sa Pravilnikom o izvještavanju za imaoce dozvola za snabdjevanje električnom energijom – dozvola II reda, nezavisne i kvalifikovane proizvođače i Operatora za OIEiEK.

4.14.2. Izvještaje koji se odnose na isporuku električne energije preko prenosnog i distributivnog sistema, koje imalac dozvole dostavlja FERK-u, je obavezan usaglasiti sa izvještajima NOSBiH-a i ODS-a.

4.15. Informaciono-komunikacione tehnologije

Imalac dozvole je obavezan posjedovati, održavati i stalno razvijati informaciono-komunikacione tehnologije (softver, hardver i komunikacije) koje se koriste za obavljanje licencirane djelatnosti na tržištu električne energije.

4.16. Baze podataka

Imalac dozvole je obavezan uspostaviti i voditi baze podataka neophodne za obavljanje licencirane djelatnosti.

4.17. Obustava snabdjevanja

Imalac dozvole je ovlašten zahtijevati od ODS-a obustavu isporuke električne energije objektu krajnjeg kupca koji ne izvršava obaveze po ugovoru o snabdjevanju električnom energijom, u skladu sa zakonom i pravilima i propisima FERK-a.

5. RAZDVAJANJE DJELATNOSTI

Imalac dozvole obavezan je voditi poslovne knjige i računovodstvo za licenciranu djelatnost, odvojeno od drugih elektroprivrednih i neelektroprivrednih djelatnosti koje obavlja i sačiniti odvojene finansijske izvještaje.

6. FINANSIJSKI INTEGRITET I STABILNOST IMAOCA DOZVOLE

6.1. Imalac dozvole obavezan je osigurati dovoljna finansijska sredstva ili bankovne garancije, kao potvrdu svoje solventnosti i likvidnosti, u onom odnosu koji osigurava neprekidno obavljanje licencirane djelatnosti.

6.2. Imalac dozvole je obavezan osigurati bankovne garancije prema ODS-u zasnovana na tromjesečnoj količini električne energije i snage koja se distribuira i broju kupaca, koji

su izabrali korištenje distributivne mreže plaćati prema jedinstvenom računu dostavljenom od snabdjevača u skladu sa Opštim uslovima za električne energije.

7. KVALIFIKACIONA STRUKTURA OSOBLJA IMAOCA DOZVOLE

Imalac dozvole obavezan je zapošljavati stručno osposobljen kadar neophodan za nesmetano, sigurno i kvalitetno obavljanje licencirane djelatnosti.

8. NAPUŠTANJE ILI IZMJENA DJELATNOSTI

- 8.1. Imalac dozvole obavezan je obavljati djelatnosti navedene u dozvoli. Ukoliko tokom obavljanja djelatnosti nastupe okolnosti zbog kojih imalac dozvole opravdano ne može obavljati djelatnosti navedene u dozvoli, obavezan je o tome, bez odlaganja, obavijestiti FERK.
- 8.2. Imalac dozvole ne može bez prethodnog odobrenja FERK-a napustiti ili izmijeniti licenciranu djelatnost.

9. NADGLEDANJE

- 9.1. U okviru svojih nadležnosti FERK vrši nadgledanje ispunjenja uslova iz ove dozvole.
- 9.2. U cilju nadgledanja ispunjenja uslova iz ove dozvole, imalac dozvole je obavezan dostavljati podatke u skladu sa tačkom 4.14. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u Federaciji Bosne i Hercegovine i Zakona o korištenju obnovljivih izvora energije i efikasne kogeneracije, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a.
- 9.3. Imalac dozvole je obavezan obavijestiti FERK o svakoj povredi uslova dozvole u roku od 10 dana od dana kada je povreda nastupila.
- 9.4. Ovlašteni zaposlenici FERK-a imaju pravo obavljati redovno i vanredno nadgledanje u prostorijama imaoca dozvole i imaju pravo pristupa objektima, opremi i dokumentima, da bi se izvršio uvid u obavljanje licencirane djelatnosti u skladu sa uslovima izdate dozvole.
- 9.5. Imalac dozvole je obavezan sarađivati sa FERK-om tokom pripreme i prilikom obavljanja nadgledanja.

10. IZMJENA I DOPUNA, PRENOS, OBNOVA I ODUZIMANJE DOZVOLE

- 10.1. Imalac dozvole je obavezan je, najkasnije 120 dana prije isteka perioda važenja ove dozvole podnijeti zahtjev za obnovu dozvole.
- 10.2. Tokom perioda važenja dozvole, a na zahtjev imaoca dozvole ili na inicijativu FERK-a moguće je pokrenuti postupak izmjene i dopune, prenosa ili oduzimanja dozvole u skladu sa odredbama Pravilnika za izdavanje dozvola.

11. SANKCIJE

Ukoliko FERK zaključi da imalac dozvole nije ispoštovao ili krši uslove dozvole, može preduzeti sljedeće aktivnosti:

- a) opomenuti imaoca dozvole o evidentiranim nepravilnostima i odrediti rokove za otklanjanje nedostataka,

- b) pokrenuti postupak izdavanja prekršajnog naloga u skladu sa kaznenim odredbama Zakona o električnoj energiji u Federaciji Bosne i Hercegovine,
- c) pokrenuti postupak oduzimanja dozvole.

12. RJEŠAVANJE SPOROVA

- 12.1. Imalac dozvole obavezan je redovno izvještavati FERK o sporovima koji se vode pred nadležnim sudovima, a u vezi sa licenciranom djelatnošću.
- 12.2. Imalac dozvole obavezan je saradivati sa FERK-om u rješavanju sporova koje treće strane povedu pred FERK-om protiv imaoca dozvole, a u vezi sa djelatnošću imaoca dozvole.

13. UGOVORI

Imalac dozvole je, na zahtjev FERK-a, obavezan dostaviti informacije o zaključenim ugovorima koji se odnose na licenciranu djelatnost.

14. KOMUNIKACIJA

- 14.1. Službena komunikacija između imaoca dozvole i FERK-a obavlja se u pisanoj ili elektronskoj formi, odnosno faksom uz odgovarajuću primjenu odredbi Pravilnika za izdavanje dozvola i drugih pravila i propisa FERK-a.
- 14.2. Imalac dozvole je obavezan obavještavati FERK o svim važnijim izmjenama u pravnom okviru, sudskim odlukama i događanjima koji imaju uticaja na licenciranu djelatnost.

15. TAJNOST PODATAKA

- 15.1. Imalac dozvole je obavezan blagovremeno podnijeti zahtjev za zaštitu povjerljive informacije, za informaciju koju smatra povjerljivom, u skladu sa Pravilnikom o javnim raspravama i rješavanju zahtjeva, sporova i žalbi i Pravilnikom o zaštiti povjerljivih informacija.
- 15.2. Imalac dozvole je obavezan osigurati tajnost podataka koji su označeni kao povjerljivi od subjekta koji ih je dostavio, kao i drugih podataka, čija je obaveza čuvanja utvrđena posebnim propisima, a do kojih imalac dozvole dođe prilikom obavljanja licencirane djelatnosti.

16. REGULATORNA NAKNADA

Imalac dozvole obavezan je plaćati regulatornu naknadu u periodu važenja ove dozvole na način i u iznosu koji utvrdi FERK posebnom odlukom.